

Powšitkowne WOZJEWJENJA

njedźelu, 14. apryla 2024

Požohnowanje motorskich

Popołdno z požohnowanjom motorskich zahaji so tutu njedźelu, 14. apryla, w 14.00 hodź. z nyšporom w Ralbičanskej cyrkwi. Přizamknje so zhromadny wulět.

Duchowna hudźba

Na jutrownu duchownu hudźbu su wšitcy zajimcy tutu njedźelu, 14. apryla, we 18.00 hodź. do Budyskeje tachantskeje cyrkwy přeprošeni. Delnjošleski komorny orchester zahraje pod nawodom cyrkwinskeho hudźbneho direktora Teófanesa Gonzáleza Palenzuele ze Zhorjelca jutrowny hudźbny program z horliwymi, radostnymi orchestrowymi twórbami. Zastup je darmotny. Wo dary při wuchodze proša.

Modlenje w Róžeńće

Na modlenje swjateho różowca a před Najswjećišim su wěriwi sobotu, 20. apryla, we 18.00 hodź. do Róžeńčanskeje hnadowneje cyrkwy přeprošeni. Pačerje budu w serbskej a němskej rěči spěwane.

Kapałnicy w Ralbicach

Drježdžanski hólči chór kapałnikow wuhotuje přichodnu njedźelu, 21. apryla, w 14.00 hodź. nyšpor w Ralbičanskej cyrkwi. Wšitcy su k tomu wutrobnje přeprošeni. Na kóncu budže zběrka za kapałnikow. W chórze, kotryž je hižo starši hač 300 lět, spěwa tuchwilu přibližnje 65 hólcow w starobje šěsć do 25 lět. Do Ralbic přijědže něhdže 35 z nich.

Lipa koncertuje w Haslowje

W rjedže LIPA@přećel.jo wuhotujetej chór Lipy a skupina PoŠtyrjoch tutu njedźelu, 14. apryla, w 15.30 hodź. zabawny koncert mjez druhim ze štyrjomi premjerami a nowym žortnym medleyjom w Haslowje. Poskitk měri so wosebje na swójby. Wšitcy zajimcy su wutrobnje přeprošeni.

Wustajeńca wo eucharistiskich dźiwach

W Kulowskej wosadneje cyrkwi maja hač do wutory, 23. apryla, wustajeńcu wo eucharistiskich dźiwach pod hesłom „Eucharistija je mój puć do njebjes“. Wona zložuje so na zběrku zbóžneho Carla Acutisa z Italskeje, kotryž lubowaše jako młodostny kopańcu z přećelemi, kompjuter a hry na komputerju. Na druhej stronje bě wón cyłe swoje mlode žiwjenje na zetkanje z Bohom wusměřil. „Přeco z Jezusom zjednočeny być, to je mój žiwjenski program“, wón jónu wopisowaše, što jeho nutrkownje wupjelnješe a kotry zaměr wón měješe. 2006 zemřě 15lětny na leukemiju. W Assisiju pochowany Carlo Acutis je mjeztym zbóžnoprajeny. W Italskej je wón jako patron młodostnych a šulerjow jedyn z najbóle česćowany swjatychoj swojeho ródneho kraja.

Filmowy wječork

Na filmowy wječork póndželu, 15. apryla, w 19.00 hodž. su wšitcy zajimcy do Budyškeho ekumeniskeho tachantskeho wobchoda přeprošeni. Tam pokazaja francoski film „Die einfachen Dinge“ Érica Besnarda. Zastup je darmotny, wo dary proša.

Akciski dzeń k piščelam

„Piščele wotewrjene“ rěka akciski dzeń, kotryž budže sobotu, 20. apryla. Z nim chce dža organizatorjo zajimcam piščele bliže předstajíc a jich za nje zahorić. Po wšěm Drježdžansko-Mišnjanskim biskopstwje budu tón dzeń piščele mnohich Božich domow přistupne, mjez druhim w Budyskej tachantskej cyrkwi. Wot 14.00 do 17.00 hodž. změja zajimowani składnosć, sej instrument wobhladać a so na předstajenju tachantskeho kantora Kamila Maksymiliana Kulawika wobdželić. Přehlad piščelow, kotrež budu tón dzeń přistupne, je pod www.posol.de podaty.

Putnikowanje do Hejnic

Wěriwi z Němskeje, Pólskeje a Českeje su sobotu, 11. meje, na putnikowanje wujednaja do českich Hejnic přeprošeni, wuraznje tež Serbja. Boža mša w hnadownej cyrkwi zahaji so 10.30 hodž. Hłowny celebrant budže Eichstättski biskop a benediktin Gregor Maria Hanke.